



故徵仕郎徽杭等處權茶提舉司吳君墓誌
銘

君諱宗字宗正曾出延陵季子居南昌莫迹其始
又自南昌遷睦其地曰菱塘子孫日蕃滋為著姓
高祖某忼慷有武畧嘗從軍擊方臘平之宋高宗
署戰功補十將使夫人葉氏尚書左丞公夢得之
孫曾祖某祖某父某皆潛德內植弗建仕而傳業
甚備君蚤習父訓博涉經史年逾三十矣尤補浮湛
閩里會王師南征宗運將季君幡然曰是豈堅儒
泥章句時耶丙子春正月淮安忠武王以中書右

丞相統大軍駭抗遣兵部郎中王世英刑部郎中
蕭郁以宗主命諭列城款附兵且薄境上守臣方
回將出降莫故其端君因說曰死封疆社稷義也
願宗主念赤子無辜毋俎刃為魚鹵事亟矣盍从
以舒袖回屬君以郡符來上遂版授郡知事改令
新更民懷首鼠君贊慎畫削夷姦凶良弱按堵盜
發旁近郡負山阻溪賊殺長吏以叛兵次于睦日
給餉饒民不告瘁而君以治辦聞越三年從守臣
入覲燕問賜衣恩寵周渥遂調遂安縣主簿以何
鄉氓陳萬一為授浮言謗黜賊勢憤張大帥議殲

其邑君言首亂者數人耳餘皆瓦合易懾以離姑
按兵伺其變未幾渠魁就擒衆得遣死咸德君之
言君在任凡七年始以代去官無崇庫政行於鄉
者古今為難而君能弛張得宜以久於其職再調
主信之弋陽簿世傳信產白金有司欲即南鄉之
寶峯為治所調民採輸君請罷其役乃止諸牟利
者復議置如初期會竒急環數十里間穉耄轉徙
田里止聊而官無銖贏乃復從君言罷之識者益
竒君為前見也邑令慙其佐以少怨望搆為飛文
誣之死君獨念寡妻弱息孰雪其寃為直於有司

而竟坐誣者又在弋陽苗八年擢提舉司漵浦市
舶賈交海南居積不可貲算舶官多利其私者以
斗珠遺君：卒辭不受改授平陽州判官蓋君至
是益練習吏治人謂廉者故善為政非邪後除徽
杭等處權茶提舉未及試而卒君生于淳祐六年
十一月四日卒以至大二年三月之某日享年六
十有四積官至徵仕郎娶唐氏男三人壽道蚤世
薰將仕佐郎江陰州在城稅務副使蘭信州路蒙
古學教授江浙省以象晉選蘭壽道唐氏出也女
三人適倪任孫李 唐元紹孫男女四人皆幼卜

呂皇慶元年十二月之某日葬于順慈鄉均平里
甲山之原蘭述君行實來謁銘余雖未嘗與君交
然聞其性愿直平居不妄笑言交友必端慎讀書
至老忘疲詩取適性不為旬煨月鍊而意度脩遠
易箴誨其子語不亂若不為生死怵者是可無銘
與銘曰士或逢治理而湮嬰險難而聞豈連蹇者
多智而斲弛者異倫吁嗟乎君乘時奮身位不究
厥施惟善貽後人

故建昌路南城縣尹王君墓誌銘

至元丙子江南列城傳檄款附維時蹕厲功名之

士或奮穎行興屠販往：致身簪紱紀績旂常世
以閱閱取才者可以規治平之世而不可與論興
運之初者也檀州王君元善始從中書左丞楊公
鎮來南訖今幾四十年仕不離江海郡因家錢塘
初浙西建宣慰司得辟署僚佐檄君為杭錄事南
兵新潰多竄匿岩谷上命錄集復選充鎮撫會揚
公擢錄江西省偕君入覲即命尹慶元昌國縣：
津海中民島居若夷橫暴易變徵斂不以時集君
嚴為條約元千令者漕府調民煮鹽使者因緣為
市高下以賄他邑莫敢誰何君令民以籍自占齧

戶大均或議立征稅君請曰縣涉鯨波商賈道阻
乞罷勿立至激怒大府而請不止辛罷之鉅寇嘯
呼曹偶百千為羣出沒海艘官軍屢血君誘以方
畧獲其渠首有千夫長受寇金君白其姦竟坐故
縱罪奪呼佩金符嘗慮囚徒舉平反者數十事始
至即脩學宮行鄉飲酒禮咸曰令不鄙夷海邦俾
染濡文教士益用勸在任凡三考縣陞州就除馬
泰等處海船副千長會盜發台州寧海主帥倚君
掩捕餘黨恚平以泉府命徵民負通米為石者幾
四萬鈔為錠者二千七百七十有奇由是命薦于

朝授鮑郎場司令秩滿課以羨最盜笑弊文朝廷
遣使覈治凡斤四百為引貪賈輒私其贏以君善
計委勾稽得實名聞擢紹興等處檢校所檢校職
盼此君鈞其權衡以公出納批改荐更未幾復調
財賦司提舉治建康明季改紹興新昌縣尹司財
賦者器君治辦留不赴行臺御史舉君劄方練達
慎守官箴政善理財而人忘怨詈空加甄錄以勸
能者尋尹龍興之新建有豪家夜橐金求謁君問
狀首服械諸市一縣股粟其民訟不決且逾十季
君片言發其隱於是同官媚疾欲飛語中君曰

是尚可復仕邪即移疾歸朝命起君尹建昌南城
而君雅不樂仕數月卒實皇慶元年十月十三日
享年六十有四積官至承務郎君諱友元文善其
字也世謚散落又不逮事大父母故祖以上逸其
名父諱真嘗為權場大使君娶張氏生男三人曰
錦銓鈞女一人適龜山書院山長郝義恭孫男女
六人皆幼葬以年 月 日墓在樂山之原余
嘗一與君接蓋魁岸多奇以才氣自負言論不輕
下人无元禮早由文吏从裕皇中外數厯籍有
聲譽所謂二惠競爽者錦等狀君之壽季履跡來

請銘手予遜不辭而銘之銘曰士乘艸味蜚英聲若
弓釋括不發銅銀黃垂組自載榮保茲祿厚儲德
馨老慎知止安無傾惜哉堂之闕幽扁垂慶未裔
踰千齡俾後有考鏡斯銘

故榮祿大夫平章政事鞏國武惠公神道碑
銘

先皇帝嗣大厯服追錄功臣易名封爵恩澤深厚
由是資德大夫雲南行中書省左丞哈刺帶特贈
榮祿大夫平章政事鞏國公謚武惠夫人八都馬
氏忽都倫氏皆封鞏國太夫人命詞臣草制給言

周渥華衮為榮公薨於大德丁未三月五日粵六
年皇慶改元四月廿七日葬汝州郟城縣薛店保
之原公系出哈魯氏大父以上逸其謚父奧蘭才
不逮仕公生而英邁不羣長益負奇畧各隸冊籍
玉師征襄樊南兵嬰城固守六年矢盡飛輓道絕
乃降公時在頰行卧不脫介胄論功最宗上流勢
感迺大興師南下列城款附易若瓦解至元丙子
師住錢塘二王竄走海上淮安忠武王虞海道擣
虛致生宅變選公招討沿海諸郡明年授宣武將
軍沿海招討副使佩金符尋除經畧使兼左副都

元帥鎮慶元凡南征事悉倚公經畫未幾又拜昭
勇大將軍招討使公率舟師冒瘴癘所向風靡東
廣南恩等州皆歸職方氏既班師錫金虎符入覲
勞問優寵復賜尚方金袍鞍轡陞昭武大將軍慶
元賂總管府達魯花赤仍左副都元帥自是被御
海道皆委重公矣日本距海東偏負險慄悍歲久
弗庭上命用師建征東行省以公為鎮國上將軍
都元帥兵薄境上颶風價作乃遂朝議蕞尔島夷
不足煩遠略務從綏靜以紓南土復令公駐守處
慶元領沿海上萬戶丁亥歲見于便殿奏對周給

且陳治盜及禁戢私釀等事多所便宜大蒙嘉納
賜西錦衣玉帶金鞍弓矢佩刀諸物以示殊賞遷
輔國上將軍浙東道宣慰使既仍命佩所錫金虎
符為上萬戶長會盜發處發連城驛驛上塹溪嘯
呼曹偶推理剽掠莫敢誰何公獲其渠首殲之民
以按堵蓋公自弭節海上至是幾二十載視官若
家而朝廷亦不欲易公它處乃擢金吾衛上將軍
中書右丞相宣慰使如故以相臣藩屏外服重其
選也東朝亦稔公宿望畀尚方金綺授以旌之成
宗將有事于西南夷合四道之軍進討雲南要地

右轄重臣推轂無勞倚毗實深萬里興師屬時温
暑林箐險昧不果深入而還玉音游頌爵秩仍舊
而公老且病乞歸汝州以便醫藥法四季年而亮享
年七十有一男六人長不祿幼次忽幼不華明遠將
軍沿海上海戶府達魯花赤卒于官次令謀不華
懷遠大將軍同知浙東道宣慰司事右副元帥沿
海上萬戶達魯花赤佩元降金虎符才猷敏達趾
美前人次脫二亦蚤二次孛蘭奚二俱幼女三
人孫男女十人惟公際遇四朝南逾嶺海被堅執
銳烜著勲勞晚節移疾克保終始求諸興運之初

奮身戎行生榮死哀者如公可無憾也是宜銘
曰聖元啓上海隅丕冒維時蓋臣奮揚有耀公由
裨佐出將樓船汎厥炎氣皇威是宣浩二鯨波赴
；虎旅義旗先驅孰于全余武滇事稽屯彼人匪天
惟忠惟烈裕于後昆分今茅西壤申以嘉惠綸綍之
章榮逾帶礪往事蓋棺不朽者名千載其式堂封
勒銘

彭處士墓誌銘

君姓彭氏諱應桂字芳翁生宋咸淳乙丑十二月
之某日以至大元辛亥正月晦日卒年四十有七卒

之三年其孫宗溥等走杭謁余銘其墓屬余以司
成徵將詣京師諱不果而請益勤余哀其志知不
朽其親者則為叙而銘之君世居廣信之薊溪曾
大父曰質大父曰文龍父曰英字赫華俱刻意儒
業而弗利于有司然鄉以善聞母汪氏生四男君
居季少穎異若成人讀書輒通大旨生十年而兵
氛僨佗幸脫于難未幾赫華卒念幼孤不自樹立
將無以振其宗則从諸兄奉母教唯謹至於經度
靡密剴治糾紛多君心計手畫用裨幹蠱家道用
裕見飢窮不能自存者則感感形于色輒賑給無靳

容終不言惠自我先即所居西偏築堂曰石湖小
隱面勢敞爽水木竹石之勝隱映後先親友至則
鼓琴弈棋持醪擊樂將終其身有舉君隱德者畝
自巴陵檄君為百里師而君曰母在遠遊豈人子
情哉卒不就惟延師教子期不墜先業丁未母汪
氏亦卒君早嬰痼疾暨終卷哀毀疾益甚又五年
病期月遂不起易篋謂宗溥等曰吾懼死先吾母
今幸克襄大事死直瞑目君娶汪氏生子男五人
長即宗溥次宗濟宗源宗淵紹德以母命紹德後
其兄某女一人孫男二人皆幼異時以科目取士

士多湮厄老死岩谷君年始就傳卽值改物科舉
事廢彭氏迄君四世不得以文藝致通顯迨者朝
廷方議復取士舊制而君已先死士之不偶于時
有是邪將天之報施善人將在宗溥等也葬以皇
慶三年月日墓在某山之原銘曰玉韞櫝賈弗售
世突梯列章綬善不永道焉咎有鬱期上昌厥後
故夫人俞氏墓志銘

夫人姓俞氏諱湫柔信之上饒人曾祖華祖庭秀
父脩皆韜德不耀夫人幼孤性慧敏簪衣不尚珠
璣紈縠而潔嚴可度毋愛之慎擇所宜適年十六

歸于弋陽熊君送熊氏望于弋陽而君送又賢也
常屏居勵操尚晝夜業詩書甚力夫人每讀古訓
戒詩以交勵其志熊君忽慨然曰士不遠四方則
學且滯迺挾策淮楚間謁當世名諸侯辟署承務
卽大兵南征薄番城急君應變多奇略剽盜以寧
用薦者尉其鄉邑夫人相以正而不撓故君得稱
治辨未幾熊君卒夫人虞其姑老不勝哀日娛侍
起居食飲以適其意姑謝世外已逾七十矣病卧
視湯波液惟謹撫諸孤為禮賢師友得克遂有立遇
親戚惠愛周洽婺君居二十有五年毋儀婦道為里

閻式大德丙午歲比不登夫人能出庾積以活流
殍猶熊君志也皇慶壬子之七月以疾終年五十
有六男五人子京子真皆以才聞于朝且選為郡
學師而祿不逮養瑱松江府上海縣學教諭辟桂
陽路石康林書院山長留孫業刊象晉氏亦在選
中以祖命為姊父伯方後熊君前娶謝氏生女一
人夫人育之若己子為擇良婿曰陳敏學今為將
仕佐郎太常太祝孫男女十三人葬以皇慶 年
月日墓在 山之原太祝次夫人之行屬余銘銘
曰婉婉令則飭躬蹈常惟孝惟睦善于尊章胡奪
安尔歲

深秀道院詩序

余嘗讀陸文安公文知所謂為山之勝思欲一至
其處極峭絕亢爽之觀訪昔賢所以講道誦習於
此者將挹其高風而有所興起焉也迺今得聞張
君明道築列業茲山之趾榜曰深秀道院吾友虞
伯生為之記夫懷居聖所不取然山水之樂亦學
道者之一助與夫酣管沒溺於聲華紛沓之場者
其得失豈不有間哉張公昔在詞垣與余為同僚

余知之甚熟蓋樂易無它腸過事輒分然不撼於
勢其進用有聲援如春陽萼滋草木方華而未嘗
以自多方始與樵夫牧子相從於岩居川觀釣鱖
茹芳且以悅親友為事此其志為何如而吾懼造
物者不私於張君而佚之也則君將憤懣抑鬱有
不適其適者矣吾聞達道者能一仕隱齋喧寂不
必高卧林谷遺情絕交嘉花茂樹娛翫心目然浚
為得深秀之實必若荷蓀耦耕者為是則問津者
非與山中多隱君子學于老氏試以余言扣之同
乎否也余既序其事且屬善詩者思以道張君之

志云

禮樂韻語序

禮經多散缺學者莫知所依古六藝自童子已通
其大指今皓首有不涉其流者古禮若繁縟然當
時皆執而行之甚習不待誦說而明後世不棲于
見聞且厭其煩勞而莫之省也則夫世教之軌則
人情之範防梁安在哉橫渠張先生欲教學者一
本於禮惜其說不大行世亦無能紹其學者識者
稍欲稽經詠傳考覈儀文世皆指為闊遠而不切
于時用夫孔庭之授受自詩禮之外無餘言凡誨

諸門弟子者皆可徵也學道而不由於禮吾不知其說矣嘗欲彙輯簡冊所載六藝之畧若古凡將急就等書以便童習使知為學必始于此雖未復古猶愈于無聞也及來京師得觀虞君舜民所為韻語則知世固有同余志者矣可謂禮樂為無傳也我舜民嘗執業于廣信謝先生氣尚伉直守節不渝舜民得於緒言者不可以崖畧既若韻語固其微爾余經傳自南曲臺所記各本師承自相矛盾至今讀者莫能折衷此非初學所及吾欲與舜民共商畧之

贈國子生太易术南歸省親序

近制國家歲貢弟子負稽其入學之次第而甲乙之以登名于集賢及禮部延召而試其業苟鋒達者為中選而授爵自六品以下有差夫士有淹洽經傳槁死岩谷而不獲一命以信其志者而國學弟子負日豐其餼廩命師教之計日而榮其身朝廷之待國子亦優矣待之優惟中人以上知內愧而自盡下焉者如小吏聲補歲月微幸祿秩而暴弃者又不與焉烏乎此豈上之人所望于國子而國子所以自貴重其身者哉有太易术者系出

伊吾讀書甚勤瘁不間寒暑無柔肉裘馬之慕或
負聲勢欲授之任輒辭與之語古聖賢之道意充
然若有得者其先伯祖為守于杭雅重儒多惠政
可紀與余厚善知之深此其家法有自來乎今將
往省其親于江之南求余一言以自勗余曰學患
志不先立志立矣而守之不堅將中道而畫嘗見
安淡泊者或不能不動於紛華而勞久則弊一為
情心所乘卒昧沒不復振者多矣生其毋急近效
而忘遠圖也毋徇小成而遺大業也若夫羣居暇
逸次比而升以獵取資級此非生之意亦非余所

期於生者

克復齋歲為國子伴讀康禮作

聖言肫：易道以弘理欲之幾剝復是徵良取
果竊上反下是為震初無剝極者物生萬化即終
為始仁根於生匪人由己良止其所而震以動知
止則克動復斯中未克匪虧復已奚增塵淨鑑空
夙心淵澄七日來復往屈來伸一日歸仁機應若
神聖人無復克復為賢若亡若迷定肯繫焉咨尔
內省克之惟艱知不遠復庶其晞頌

孫氏先塋碑

孫氏之居汴者值金亂謹牒散軼莫適其始今奉
直大夫京畿都漕運司判官元凱之父早居燕卒
有二季葬宛年^平縣之樊村又十有五年為皇慶改
元聖上踐祚敦尚孝理凡中外臣庶身被光寵而
命數不逮其先者詔中書議贈典有差由是元凱
得贈父為奉直大夫朔州知州飛騎武清縣男母
時氏武清縣君命下元凱率子姓具牲醴展墓白
上所以嘉惠幽顯觀飭臣子俾勿替孝思之意甚
厚按禮別世祖不祧則騎尉君為孫氏居燕始祖
又得際遇文明焜耀泉壤施及來亂慶譽何窮而

墓道無碑曷以訓履後騎尉君嘗言幼聞諸父母
孫氏代有著稱皆殖德勵行資儉勤以給顧兵興
轉從父母亦蚤世道其事不志也生子輒弗育晚
乃得元凱涉書傳即業于象胥氏遂以其學得推
擇掾中書調承務郎會同館副使秩滿授今任元
凱能于官搢紳多飛章論薦乃益謙沖約素不苟
援聲勢以躡躋華要用是家道以充而休問弗墜
繫騎尉君之教也君侷儻尚氣義每急人之私傾
貲貨必身先好善若渴飢至老益篤卒以大德元
年四月十四日壽七十有九時氏家雲中金樞密

參謀官 公 之女婦道母儀咸中壺則後十三
年卒生子一人元凱也吾聞金止名家右族走河
南北得脫性命艸棘間率一二為幸若騎尉君夫
婦安且壽又有子亢其宗諸孫競爽未艾非積善
致然邪元凱屬余為文鏡諸石不得辭銘曰賢不
必皆仕惟善克令躬而慶以裕後是為本固而積
厚矧申之以眉壽則天者信可必視世之險詐眩
巧徼幸榮名者以死誰祐也川流注：西山其岬
斯其騎尉孫君之室後千百年遇者猶式

求心齋記

求心齋者蘇文忠公之所書也臨安羅君國賓得
之因以名其齋且屬余為記也公之學本之益子
以求放心為學問之要今公言求心者何居求則
既放矣不放何求也故不言放然放而後求就若
不放之為得也孰能無放从心所欲不踰距者聖
人之事出入無時莫知其鄉者衆人之事也君子
則存焉以養性正焉以脩身莫先于心：既放矣
孰求之將以心求心乎曰非然也譬諸于水流者
為川止者為澤也止而能流則川行不竭心本乎
靜能靜而動則非放矣放者物交物非動之正也

吾所謂靜者非死灰之謂鴻鵠將至者失之動死
灰者失之靜也今國賓之居是齋也花木竹石溪
山之景物畢具圖書琴瑟環列左右所居而淵澄
神運而天游孰非此心之於求也不放而求其寂
也感放而不求其寂也蕩勿忘勿助者求心之的
也羅熊氏圭組蟬聯詩書之澤有行未艾歸而求之
有餘言何為哉

雪山齋頌并序

江浙行省中書右丞相曹公羽儀天朝出司藩
翰清聲雅望烜著當今翰林承旨公篤棣華之

愛大書雪山二字以扁額其齋求取義高潔屬
深至文士作為歌詩以道盛美高邈龔璠既序
次其說巴西鄧文原復為之頌曰

元化昆侖天施地生水涵太一其歸清寧肇自幽
朔肅以玄冥布濩汙瀾盪浸飛雲因時斂舒值物
虛盈飭躬玉潔躋世砥平醇和不愆氣與道并仰
瞻巉岩旁達光晶昉自膚寸屹彼層城匪霖而澤
功配風霆猗與曹公秉節亮貞職在南服維國之
楨墳麓其和圭衮載榮願謂崧高積壤攸成象物
示儆如監斯銘在昔懿侯仕漢宰衡道本清靜民

安縣征守成之規萬世準程慶流祚胤運際休明
高山景行式揚頌聲

錢塘嚴處士墓碣

始余識處士時以善琴名類江湖者皆言處士於斲
琴為善處士性坦夷然類嗜酒酣極執禮益謙下
遇人無少長賤貴必盡懇悃不立崖異而人雅敬
之其斲琴雖世習亦天巧然也處士曾大父事宋
高宗以勇畧備額行暇則攻藝事著班經一卷高
宗嘗夢神手劍而至就視琴也明日命製琴擘而
長若劍者名曰文夢又遣使蜀購異材仿唐雷氏

式弦琴三百宋雅樂散逸中原而南渡後猶存古
遺則今世所傳宋尚方琴腹有雷氏識者皆處士
曾大父時物也處士幼知業其家不事它技老益
精敏若扁之輪慶之鑿所謂技進於道者邪宋內
臣有以處士琴上進者理宗徵官之卒辭不受自
號古清翁寧落魄湖山間終其身處士殆隱於琴
者也自雷氏後世稱郭諒沈鏐張鉞率寥々數百
載一得其人琴事豈易哉處士姓嚴氏諱恭字
子安其先家洛陽靖康亂落南來居湖州曾大父
振武功大夫浙西路分聞大父致通脩職郎主潭

州瀏陽縣簿父庚以晦德終處士生于紹定辛卯
九月廿二日至大戊申八月一日卒壽七十有八
娶梅氏男與敬學紹其世用儒先薦為安定書院
山長女適茅山書院山長劉供葬用皇慶 年月
日墓在 山之原與梅氏合處士篤孝行年十四
嘗到股和糜以起父疾與敬云銘曰智創物巧者
述諧互和與道一魂兮天游體安宅

浮梁州重建廟學記

聖天子即位之元年春三月汴梁郭侯由江浙行
中書省都事出守浮梁蒞事之始祖見于先聖願

瞻庭宇福陋弗葺懼無以昭來格而承歲祀且曰
在漢文翁治成都修學宮由是蜀士比齊魯而翁
亦書策循吏矧番故多儒先豈下漢蜀郡哉政行
令孚多士勸相鳩工元具廓弘屢規始是年六月
暨十一月廟成齋廬堂垣門序庑福惠隆舊觀迺
卜日率僚吏諸弟子負行釋菜禮以告成事既又
聘耆德為弟子師公退則躬加飭勵而稽攷其惰
勤由是編民佐吏咸競于學而來者未有止也越
二年冬十一月制詔天下郡縣興其賢者能者充
賦有司敦尚德行經術而黜浮華之士此三代學

校選舉遺制而後世鮮克師古馴至于風俗靡弊
致治亡繇厥今 聖天子孝崇繼述丕闡文教軼
邁往聖專告萬方士莫不澡制以自振屬文原秦
教胥子而番士方玉甫等以書來曰鄙戾嘉惠于
學願有紀也文原竊惟古之學者自二十五家之
間以里居之選有道德者為左右師自是而升之
黨庠術序國學雖教成有漸然其道必原於經術
傳曰時教必有正業言非是則險詖頽僻王改吁
不容是以教化一而風俗淳周衰經術已不逮古
若晉韓起吳季札因適魯而始知易象魯春秋與

周樂乃不若楚左史倚相能讀三墳五典八索九
丘也吳晉猶尔當時諸侯之國其昧於經者有至
秦禰有吁自來蓋至秦而後極漢興至建武幾八
十載始克罷黜百家表章六經當儒道陞厄已久
奮然欲闢邪說以達仁義之途其難如此而卒未
得儼古者得人之盛然經籍之弗墜繫漢儒是賴
俗儒卑陋而莫之省幸稍自振者則又溺於章句
訓詁不能息心澄慮上求聖王所以參主宰而迪
民彝者遂使儒者名為窮經而實用不著識者隱
憂焉辟諸百穀草木德行其本也經術則沃土之

所封植甘霖之所膏潤而霜露又以闕深而積厚
然後以華以衍粵逸旁達此詞章之昭晰而不可
掩者然耳要其質文之相宣體用之備具皆天下
之實理而豈有假借炫飾於外也哉夫學以為已
而效可及于天下一有干世取寵之私則所施必
悖士之遊息蘊脩於此者尚庶幾夙夜交儆以毋
負菁莪豐芑之澤是亦郡太守承流宣化者之望
也侯名郁字文卿喜讀書於易尤研贖其守浮梁
嘗新三皇殿建舟梁均賦役汰煩冗雪滯寃為改
號稱廉能云

醫學教授李君墓碣

醫之道周于陰陽五行盈虛消息之變與易經相
表裏世傳素問難經皆本黃帝義黃心授固自有
淵奧哉能通其說者必穎悟該洽工于儒者也而
昧者苟為夸謾以希幸中徼近利世亦鮮能辯其
非是以至于頽剝者何可勝計太史公記扁鵲倉
公禁方多不傳亦世不能用不知古今人不同
而方為迥異宜此非瑰特士莫能究詰若溧陽李
君乃所謂儒而鑿者耶而不幸死矣君諱芳字子
英世居和之歷陽本儒家父蚤嗜韜畧善武事宗

孝季淮土驛騷遂南徙占籍溧陽主將上其能補
進義校尉尋卒君痛父死庸鑿且母在遂博涉古
方書若君臣佐使之辯宣通補泄輕重澀滑燥溼
之施靡不研覈由是抱疾者屢交戶外君亦不擇
富貴為診治輒愈無少望嘗謂伯氏曰吾墓高士
傳韓伯休賣葯長安市不二價乃益居善葯務廣
厥施至元丁卯有司舉君以其學教邑之家子弟
滿代不復任其徒自言得君祕授多驗者築別業
城西偏翰林承旨姚公時廉訪江東道為榜其居
曰誠齋園蒔花竹曰與伯氏酣歌嘯咏其中甚樂

會建三皇殿君以身先勞瘁遂疾亟惟語伯氏以
課諸子業詩書勿墜其世言畢而瞑時皇慶二年
二月廿四日享季五十有八大父諱友直父諱起
潛君娶居氏生二男子長曰士賢業鑿為文頗有
聲譽次曰士奇孫男女五人葬用延祐二年月日
墓在北山之原士賢介君之友芮又斯為君狀來
請銘余曰李君儒者也銘其可哉銘曰世之言鑿
道者顏曰方技方技何可易言哉若子英者克孝
克友非隱非仕恬養丘園而樹善以沒世與夫矜
名狗利老昧知止者不亦異乎死有不止乘慶來

齋

容德齋歲并序

郵城丘以道幼從余執業已穎悟異凡兒長益
務學有操尚以容德名齋求余言予惟容之義
大矣世之昧者以原兒深情為容也有忤于中
久而不釋則憤裂潰決其禍乃甚於不容者以
道其亦審於理欲善惡之辨焉故與之歲且以
自儆云

惟人稟靈萬類攸司執德務弘燭理慎微在易著
象謙吉莫比包荒為泰色承為否容以虛受怒視

人已匪曰尚同混彼泾渭趣舍或偏薰蕕斯異弗
罪馭吏弗擾獄市時稱善治皆容之細世俗道漓
交匪義合或矯言笑中華外洽錦穿不戒禍逾衷
甲咨茶尔深省中和是經勿詭而慝勿隘以爭視蒿
不高如衡持平如水鑑物而不留形体之有容我
思孟明或用箴言以配座銘

閏月十一日寫杭州羊市街校畢此帙
沅姊記

聖